

Zeitschrift: Le nouveau conteur vaudois et romand
Band: 93 (1966)
Heft: 1-2

Artikel: Kan fâ poutin
Autor: Bongâ, Mariéta
DOI: <https://doi.org/10.5169/seals-234136>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>



Pages fribourgeoises

On galan intrèprê

Lyodo dou Gran Prâ irè on fiê bi l'omo Gran, chejin, bin pigni, na galéja mouchatse, di bi j'yè, rodzachu ; a 45 an parechè adi atan tyè on dzouno dè 25.

Du ke l'è j'ou maryâ, menâvè gran trin. L'avi rè fê cha méjon è l'y avi inchatalâ totè lè binvignanthè ke fan piéji y fémalè. Dèfro to irè j'ou rëtapâ è la vilye méjon dè chon chènia parechi tota nava.

Bin chur ke totè hou rëfèkturè l'avan prà kothâ ; è nothron Lyodo, ke l'avi mé dè fathe tyè dè fon, chè trovâ avui on valyin patyè dè dèvalè a la banka.

Chu chin, l'a jou le mâla d'intèrâ cha fêna. N'avi rin dè j'in fan, è le bi Lyodo l'è jou onkon vuto koncholâ. La keminthi a kor lè férè avui, na bal'oto, on tsèpi pèlâ chu l'orolye, a fére di bounè marindè avui di j'èmi. Tochin n'irè pâ po dèkrèthe lè dèvalè è le rèvunu dè chon bintsè ch'indalâvè mé a la banka d'la valé tyè a ha d'l'Etha...

Ma, Lyodo guignivè d'la pâ dou Chindê Hlyori, yô la galéja vèva Sidoni vèkchè trantchila, a chokrê d'la mijére avui di grô rèvunu è na bala vila.

Lyodo moujâvè y kurtse, ke cheran bin vignê po konblyâ le krâ d'la banka. Ma Sidoni ke n'avi po frê y j'yè è ke, d'ôtra pâ, amâvè bin vêre chi bi galan, tot'in dèvejin, l'y a fi a konprindre ke ne voli oun'omo tyè a nè dè dèvalè.

L'è pochin ke l'ôtri, Lyodo to kâhyo, rinkontrè Tiéne, on dè chè bon j'èmi :

— To l'è poutamin trichto chta né, Lyodo !

— Ty-che-tè, la Sidoni m'a fi a chintre ke voli pâ ch'è maryâ avui oun'omo ke l'a di dèvalè. Chu poutamin inbarachi è, avui ma pojichion, chu chur dè chobrâ grantin a tsavô d'l'inpartchière...

Pekojé di Chouvin.

Kan fâ poutin

I parè ke le mê dè julyè è d'oû chon pâ jou tan favorâbyo i familyè k'èthan in vakanthè. Lè pourè lâ, ke l'an fê to lou pochubyo dè betâ ti lè mê on bokon d'êrdzin dè rèle po chin, chon gayâ mô kontintè. Fére ti lè fré dè dëpyèthèmin por alâ chè dôdzi din on bi kabarè chu la hôtyâ, è ke ti lè dzoa y pyovechè a chu bré, l'è to-ta-fé amujin. Po lè dzin ke chavan dzuyi i kârtè, y pachâvan lou tin a tapâ dou karton, ma irè trichto po lè j'infan. Kan on'è intche-no on châ adi yo lè betâ po lou dèmorâ. Ma, din chi bi kâfé nyuba, pâ on piti kâro dè libro. D'oure di paryè dèchêpchyon, on dè onko ithre kontin dè falyè chobrâ a la méjon.

Ora, che le tin n'a pâ favorijâ lè dzin k'iran in vakanthè, ly avê di pititè bè-thètè k'iran bin benéje d'la pyodze. On yâdzo, on ne viyê djêmé atan dè kouèthron, pititè koukiyè, lemachè è mimamin di pyâ din lè rojè è ou kurtiyâdzo.

Por vouè, y vo kontèri ouna ke vo vindo kemin y l'é atzetâye.

Din on gran velâdzo, on Moncheu èthê vinyê fére ouna konférenthé chu la ma-

nyére dè prèvinyi lè damâdzo ke la vêrmena fâ din lè kurti. Kemin faji poutin chi dzoa lè dzin chè chon dèvouâ por alâ akutâ chin. On dzouno l'avê konprê ke dou momin k'on inpyêyè la naftaline po lè dzêchê, i dêachebin alâ po la vêrmena. Adon, in rinrin, y atzitè ouna lura dè naftaline a la farmathi. Tyindzè dzoa apri y rèva n'in tsêrtsi dou kilo. La filye èthenâye, ly demandè ch'irè po rèvindre.

— Ma na, ke ly rèpon le dzouno, chin l'è rintyè por mé. Vo chédè, y kudyo portan bin vijâ, ma, avui hou pititè bôlètè, n'è pâ tan fachilo dè lè j'atrapâ, hou monètyâ dè bethètè ?

Inke j'in yon ke porè chè betâ avui chi bouébo ke n'avi rin dè hyinthe. Kemin le réjan volè ly fére vêrgonye a l'ekoula, le tyirè vêr li in dejin :

— Akuta piti, chin ne pou pâ mé alâ dinche avui tè. Tè bayo on fran è va

vuto ou magajin tsêrtsi on kilo dè hyinthe.

Le bouébo chin va to bounamin è on kârd'ara apri y rèvin è demandè ou réjan :

— I amèré chavé che chin l'è por vo ou bin por mè pêchke che vo volè mè fére on kadô, i prêfèro vouêrdâ le fran !

Mariéta Bongâ.

Chers correspondants

Nous vous prions de nous adresser vos articles — à moins d'une urgence de la dernière heure — avant le 30 ou le 31 de chaque mois au plus tard, avant la publication du « Conteur », sinon, nous ne pouvons plus en garantir l'insertion.

La Rédaction.

